



KATOLSKI

# Posol

ISSN 0138-2543

Časopis katolskich Serbow

Založeny 1863

Wudawa Towarstwo

Cyrila a Metoda z. t.

číslo 1

12. januara 2025

Swjate lěto 2025 w Drježdžansko-Mišnjanskim biskopstwje zahajene

## Z putnikami nadźije so stać

Bamž Franciskus je nas pře-prosył, w Swjatym lěće 2025 „Putnicy nadźije“ być. Zaštu njedželu, 5. januara, smy w Drježdžansko-Mišnjanskim biskopstwje ze swjedženjom w katedrali a konkatedrali Swjate lěto zahajili.

Kóžde 25 lět swjaty wótc

šuje za njeposrědnym, snano samo za čmu našich dnjow pohladać.

### Křiž w srjedžišću

Jako znamjo je nas bamž Franciskus prosył, křiž do srjedžišća stajić. W Drjež-

puću, doniž něhdy swój cil w zhrmadnosći z Bohom njedocpějemy. Němske słowo „pilgern“ – z laconšćiny wot „per agere“, „zwonka pola“ – wopisuje pućowanje zwonka zwučeneho a dowěrjeneho. Putnik być rěka, pušćić – džěto a planowanje, wuspěch a

Zrowastanjenym hišće jasne čěmne scíny rowa – smjerc a z njej wša čłowječa wobmje-zowanosc njeje so prosće zhubiła. Z Chrystusom pak móžemy ju přiwzać a přewinyc. Wón wozmje nas sobu na stronu žiwjenja. Bamž Franciskus w swojej buli k zahajenju Swjateho lěta namoľwa: „Dyrbimy tuž na wjele dobreho na swěće džiwać, zo njebychmy do spytowanja přišli zło a namóc jako přemócnej wobhladować.“

Wjeselu so na to, z Wami w Swjatym lěće pohlad nadźije nazwučować. Wšelake akcenty chcemy při tym w biskopstwje, ale tež we wotpowědnych regionach wuzběhnyć. Na příklad budže kopija ikony křiža po biskopstwje putnikować. Putniske městna z hnadownymaj městnomaj w Róžeńce a Wechselburgu kaž

tež katedrala Najswjećišeje Trojicy w Drježdžanach a konkatedrala swjateho Pětra w Budyšinje přepršuja k putnikowanju. W lěću je młodžina na putnikowanje do Roma přepršena, nazymu cyłe biskopstwo. W regionach biskopstwa smy „Wječory nadźije a wujednanja“ nastorčili. Za něšto tydženjow změjemy tež diecezanski putniski zešiwk k dispoziciji, kotryž budže nas z duchownymi impulsami a informacijemi po Swjatym lěće přewodžeć. Na putniskich městnach Swjateho lěta wupoľoženy budže wón tež putniski křiž přewodžeć.

Lube sotry a lubi bratřa, stařmy so w jubilejnym lěće z putnikami nadźije!

biskop Heinrich Timmerevers



*Biskop Heinrich Timmerevers (nalěwo) –tule před zachodom do katedrale před kopiju křiža ze San Damiano – je druhu hodownu njedželu, 5. januara, w Drježdžanach Swjate lěto zahajil.*

Foto: Andreas Golinski

Swjate lěto wuwoluje. W ryt-musu štwórc lětstotka wuwolujemy ze zwučenoscě „toho, štož přeco je“ jubilejne lěto, štož je připódlja prajene tradicija, kotraž je so ze židowskeho lěta spuščjenja chłostanjow wuwila.

Do srjedžišća tohole jubilejneho lěta staja bamž Francis-ku sadu japoštoła Pawoła: „Spes non confundit“ (nadźija pak njewohańbja; přir. Rom 5,5). Swjaty wótc wodzi z tym w času mnohotnych krizow wid na bytostne poselstwo: Přez swoju wěru mamy wšu příčinu so nadźijeć. Wón nas přepr-

šuje za njeposrědnym, snano samo za čmu našich dnjow pohladać. W Drježdžansko-Mišnjanskim biskopstwje smy za to ikonu křiža z cyrkwyje San Damiano wuzwolili, před kotrymž je so hižo swjaty Franc w 12. lětstotku modlił. Tónle křiž nas přepršuje, dokladnišo pohladać a přez jeho bohátu wobrazliwu rěč swoje žiwjenje jako putnicy po wotpowědne swójskim puću z nim zwjazać. Znamjenja a předstajeni ludžo na křižu nas wužaduja sami so pod křiž stupić.

Křiž je wot njeličomnych maľých zakłapnicow, symbola putnika, zaramikowany. Smy čas žiwjenja jako putnicy po

perfektnosc, starosc a njewěstosc – a so znowa na Knjeza nastajić.

### Wosobinske zetkanje

Swjate lěto chce nas na puć k wosobinskemu zetkanju z Jezusom Chrystusom wjesć. Wo nim prajimy: Wón je „durje“ k zbóžnosći (Jan 10,7,9); wón je „naša nadźija“ (přir. 1 Tim 1,1). Ikona křiža to wobrazliwje pokazuje: Zrowastanjeny přiwobroća so nam z wupřestrětaj rukomaj, chce nas, naše žiwjenje wobjimać. Při tym pokazuja so za